



Broj: 05/7-39-1-155-53/19

Sarajevo, 30. 9. 2019.

## Z A P I S N I K

### 53. sjednice Vijeća nacionalnih manjina BiH, održane 30. 9. 2019.

Sjednica Vijeća nacionalnih manjina BiH počela je u 18 sati

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Nedžad Jusić, Hakan Varan, Tijana Vučurević, Marija Grbić, Eva Pašić-Juhas, Jakob Finci i Halil Bicaj.

Sjednici nije prisustvovao Mladen Radmilović.

Sjednici su, također, prisustvovali: Aida Kreho, sekretarka, Branislava Vignjević, stručna savjetnica, i Enra Soldin iz Sektora za odnose s javnošću Parlamentarne skupštine BiH, te Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima

Članovi Vijeća nacionalnih manjina BiH **jednoglasno** su usvojili sljedeći

## D N E V N I R E D

1. Usvajanje Zapisnika 52. sjednice Vijeća nacionalnih manjina BiH;
2. Prijedlog teksta izvještaja Vijeća nacionalnih manjina BiH o upotrebi manjinskih jezika;
3. Finaliziranje dogovora o predstojećem zajedničkom sastanku svih vijeća u BiH:

- a) Finansiranje organizacija, udruženja nacionalnih manjina s državnog nivoa,
  - b) Izmjene Zakona o zaštiti prava nacionalnih manjina BiH;
4. Tekuća pitanja.

#### **Ad. 1. Usvajanje Zapisnika 52. sjednice Vijeća nacionalnih manjina BiH**

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da rasprave nije bilo, članovi Vijeća **jednoglasno su usvojili** Zapisnik 52. sjednice Vijeća nacionalnih manjina BiH.

#### **Ad. 2. Prijedlog teksta izvještaja Vijeća nacionalnih manjina BiH o upotrebi manjinskih jezika**

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Jovanka Manzalović-Šalaka, Eva Pašić-Juhas, Tihomir Knežiček, Dragan Marković, Nedžad Jusić, Todorca Jovanović, Velibor Kuvač i Želimir Lalić.

Rečeno je da je Nacrt izvještaja Vijeća nacionalnih manjina BiH o upotrebi manjinskih jezika akt koji je dostavljen Ministarstvu za ljudska prava i izbjeglice BiH te da će biti sastavni dio 3. izvještaja o primjeni Evropske povelje o regionalnim ili manjinskim jezicima. Članovi Vijeća **jednoglasno su usvojili** da Nacrt izvještaja bude dopunjen sugestijama članova Vijeća nacionalnih manjina koje su predložene na sjednici, a koje će, u ime Vijeća, Interresornoj radnoj grupi Ministarstva za ljudska prava i izbjeglice BiH prezentirati Velibor Kuvač.

#### **Ad. 3. Finaliziranje dogovora o predstojećem zajedničkom sastanku svih vijeća u BiH:**

- a) **Finansiranje organizacija, udruženja nacionalnih manjina s državnog nivoa**
- b) **Izmjene Zakona o zaštiti prava nacionalnih manjina BiH**

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Jakob Finci, Želimir Lalić, Eva Pašić-Juhas, Tihomir Knežiček i Dragan Marković.

Članovi Vijeća **jednoglasno su** se dogovorili da Andrija Svatok, predsjedavajući Vijeća nacionalnih manjina BiH, dâ uvodno izlaganje na 3. zajedničkom sastanku svih vijeća nacionalnih manjina, a da Nedžad Jusić u ime Vijeća iznese stavove ovog tijela o Izmjenama

Zakona o zaštiti nacionalnih manjina, te o načinu finansiranja organizacija udruženja nacionalnih manjina s državnog nivoa.

#### **Ad. 4. Tekuća pitanja**

U okviru tekućih pitanja u raspravi su učestvovali: Nedžad Jusić, Želimir Lalić, Jakob Finci, Dejan Piotrovski, Halil Bicaj, Velibor Kuvač i Tihomir Knežiček.

- Vijeće nacionalnih manjina je, s **15 glasova „za“, jednim glasom „protiv“ i jednim glasom „suzdržan“**, imenovalo Andriju Svatoka, Tihomira Knežičeka i Todorku Jovanović da u ime Vijeća nacionalnih manjina BiH prisustvuju prezentaciji zajedničkog projekta Vijeća Evrope i Evropske unije „Promocija različitosti i jednakosti u Bosni i Hercegovini“, koja će 15. oktobra 2019. godine biti održana u zgradi Parlamentarne skupštine BiH.
- U okviru ove tačke dnevnog reda razgovarano je i o potrebi promocije zbornika „Autentičnost nacionalnih manjina u Bosni i Hercegovini“, te je **jednoglasno** predloženo da se promocija održi u okviru obilježavanja Dana ljudskih prava - 10. decembra - kao i da se isti dan nakon promocije održi sjednica Vijeća nacionalnih manjina BiH.
- Dogovoreno je da Sekretarijat ispita mogućnost posjete Vijeća nacionalnih manjina BiH Institutu za nacionalne manjine u gradu Balzano u Republici Italiji, koja bi trebala da se realizira do kraja godine.
- Članovi Vijeća nacionalnih manjina BiH interesirali su se i za status dopisa upućenog Agenciji za prevenciju korupcije i borbu protiv korupcije, a koji se odnosi na preispitivanje javnog konkursa za dodjelu sredstava iz tekućeg granta „Sufinansiranje projekata institucija kulture u BiH“ od 30. jula 2018. godine. Vijeće je zadužilo Ured sekretara Komisije da još jednom pokuša dobiti traženu informaciju, s obzirom na to da, nakon dopisa iz marta ove godine i naknadne urgencije, Agencija nije dostavila nikakav odgovor.

Sjednica Vijeća nacionalnih manjina BiH završena je u 19.30 sati.

Sastavni dio Zapisnika je tonski snimak 53. sjednice Vijeća nacionalnih manjina BiH.

**Stručna savjetnica**

**Branislava Vignjević**

**Predsjedavajući**

**Vijeća nacionalnih manjina BiH**

**Andrija Svatok**